

Mato Franjičević

Inicijative upućene Vijeću ministara BiH:

1. „Predlažem da Vijeće ministara BiH što prije dostavi u parlamentarnu proceduru Zakon o neradnim danima u vrijeme vjerskih blagdana u Bosni i Hercegovini na tragu rješenja koja su već definirale vjerske zajednice u BiH, te kao ispunjavanje obaveza preuzetih potpisivanjem odgovarajućih međunarodnih sporazuma. Praksa da se međunarodnim sporazumima preuzmu obaveze koje se onda ne izvršavaju šalje sliku neozbiljnosti i nevjerodostojnosti institucija BiH i nije najbolja preporuka za zemlju koja deklarativno stremi evropskim integracijama, a što bi trebalo i moralo podrazumijevati usvajanje i evropskih standarda.
2. U Ugovoru između Republike Hrvatske i Bosne i Hercegovine o graničnim prijelazima u članu 1a. utvrđeni su granični prijelazi za međunarodni drumski saobraćaj putnika i robe koji podliježu inspekcijskim kontrolama (Bijača i Gradiška), te članom 1b. četiri granična prijelaza (Ivanica, Gorica, Izačić i Orašje) za promet roba biljnog porijekla (voće i povrće). Budući da među tim spomenutim graničnim prijelazima nije granični prijelaz Kamensko, ovim putem pokrećem inicijativu za izmjenu Ugovora u smislu da se granični prijelaz Kamensko svrsta u kategoriju prijelaza koji podrazumijeva promet robe koji zahtijevaju inspekcijski nadzor prilikom uvoza i izvoza visokotarifne i robe biljnog porijekla.
Istovremeno predlažem izmjenu člana 1. tačke e) kojom je određeno da je granični prijelaz Bili Brig – Vaganj prijelaz za pogranični saobraćaj, da se on kategorizira u granični prijelaz za međunarodni drumski saobraćaj putnika ili u kategoriju ostali granični prijelazi za međunarodni saobraćaj putnika i robe.“